

續壽光縣志卷之三

河泊考

壽光爲濱海廣瀉之地平時四區無丹梯翠嶂崎嶇
秀出於其間所得擅名志乘中者僅有水耳而水亦
不可以通舟航駕石荷深冬水涸其大者漸帷則車
可渡泥障則馬可行村墟聚落間每築土行以濟徒
步其小者涓涓細流尤不足爲河伯無夷之所都居
又或積水如牛蹄之浮未久已悉爲渴澤矣至於春
夏之交時雨旣降小者聚而爲窪流而爲渠一瀉數
十里大者恃源以來淙淙然雷响而電激溢流潰出
積壽光縣志卷之三

輒能爲禾稼害是故邑有衆水魚鼈蘆葦之產居人
固利賴之而偶一橫突害且什伯於利此衆水之源
流所繇宜條其形勢以爲言水利者告也前志云水
則爲泊者二爲泉者一爲河者九泊者何黑塚清水
是也泉者何溫泉是也河者何五滙於縣之西曰滙
曰女織曰北陽曰王欽曰躍龍外此又有烏洋溝四
繞於縣之東曰跪曰丹曰堯曰瀟外此又有小河曰
康滙於西者以陽河爲大繞於東者以瀟河爲雄父
老相傳謂舊日瀟河之水西至王欽則東轉東底濰
縣白狼則西向今故道盡湮實則衆川爲經而巨瀆

爲梓矣計自康熙戊寅以後瀾與丹皆有遷徙而象
流脈絡前志亦語焉未詳茲故晰言之以作河泊考
瀾河亦名巨洋水洋爲齊之大川故以巨名其源出
臨朐沂山西麓卽史記公玉帶請漢武所封之東泰
山也東北流至臨朐城南龍泉河入焉又東北逕胸
山之西委栗山之東又逕龍山之西石溝河入焉又
北至閭家莊入益都界又北逕赤澗店至城南陽河
入焉又東北逕巨味店耿弁追張步處至莊家莊入
壽光界北逕王家莊牛角口馬壘茶臼莊樂成莊寒
橋邢姚莊直出孫家道口由周家壘之西入海此瀾

續壽光縣志

卷之三

二

河泊考

河今日之水道也按瀾道元水經注言巨洋水逕東
益城別出一支爲百尺溝入鉅定百尺溝卽今王高
鎮北齊時亦名百尺里攷于欽齊乘已無入鉅定之
言則此溝在元時早不復西注矣但齊乘又謂巨洋
逕壽光縣東北舊有孔子問經石室卽倉頡墓也堯
水入焉又東北由黑冢泊入海今瀾水不由倉頡墓
并不與堯水會豈元時水道至前明已不可踪跡耶
何前志茫無考據也瀾自前明隆慶二年由邢姚東
徙逕七里莊入海舊道猶存至康熙四十三年由孫

家道口東徙逕周家壘之西入海舊道亦存乾隆十

一年自屯田火口汎溢泛濫幾從而東賴知縣宮懋讓河廳張傳詳請發帑堵築故至今仍由康熙時舊道

丹河竹書云堯放丹朱於丹水朱虛縣有丹山一名几山黃帝所禪又名堯山下帶長坂曰破車峴東西二丹水出焉記謂丹朱弄兵之所今按大丹河出昌樂西南紀山北流至北郝莊小丹河出昌樂東南方山西北流逕邊下莊繞縣西至北郝莊二河合流北至田馬莊入壽光界又東北逕梁家莊稻田莊至高湛莊後堯河入之又北逕南皮臺至辛章新河分流

續壽光縣志

卷之三

三

河泊考

入濰縣界前志云又東北逕濰故城河東流入於濰縣今樹濰舊道久已淤塞蓋丹水自雍正年間折而西注南皮臺矣至言楊柳交蔭民多殷富亦當時所見云爾也

堯河一名蕤又名青出臨朐蒼山北流逕董家坊堯溝店又逕益都之香山又東北至紀臺入壽光界又東北逕堯水莊至南皮臺與丹河合按漢地理志與思容齊乘並云堯水入海攷堯水東入濰縣會大干河入海是堯水未嘗不入海也特所逕之地二說與今不合或亦各紀所聞耳水性遷流無定今昔異形

前志以談斥之蓋亦拘矣

跪河出昌樂孤山北流逕朱留店行二十里西北入壽光界又逕王望至斟灌城北與丹河合入濰縣界按跪河近亦名桂河邑人董思恭家居河東岸丁酉發解辛丑成進士館選後自號桂川故居人以桂名之

康河由稻田窪內行二十餘里入堯河夏秋水盛有之深冬則涸

躍龍河亦名夾河東躍龍出縣西十里河頭村北流逕官橋莊呂家莊西躍龍出縣西十五里南營莊北

續壽光縣志

卷之三

四

河泊考

流至羅橋二木合流逕袁家橋入清水泊

王欽河出縣西南二十里高家莊行二十里逕信家橋入北陽河

烏洋溝出縣西窪內行三十里逕時家莊至傅家莊之東入北陽河夏秋水深冬則涸

北陽河漢志曰爲山澗水所出東北至廣饒入巨淀水經謂之陽水亦謂之繩水出益都九廻山一名九扈卽古廣縣道元所謂導源廣縣者此也東北逕五龍口又北逕廣固廢城行於絕澗之底水激而岸峻故古諺有瘦馬不渡之辭又北逕堯山劉家店至張

孟口入壽光界又東北逕城臺蕪家莊至陽河莊橋入樂安縣界又東北逕葛家橋大王橋至李家橋東流逕草橋至郭家店復入壽光界又東北至傅家莊洋頭莊王欽河入之又東北入清水泊由馬車濱入海此北陽今日之新道也其舊道自李家橋逕明家橋復入壽光界又東北逕道口洋頭莊至鄭家輦入清水泊今舊道當水大時尙有細流水小則涸

女織河出臨淄東南灣足山伏流十五里至馬臺復出北流逕馬石橋至趙家營入壽光界又東北逕璩家屯入樂安界又東北逕陳家官莊坡石橋飲牛口

續壽光縣志

卷之三

五

河泊考

又北分爲二支西支逕孟家莊城吳寺刁家莊又北流逕高家廟至官莊又東北與東支會東支逕大王橋前後屯莊至蔡家溝會西支合流至水磨莊入壽光界又北逕劉家河頭三座樓至小官莊入清水泊轉入馬車濱至皮邱沈入海按女水通鑑作汝水所謂南燕汝水竭是也水經注云臨淄山俗呼二王家謂是桓公及其女墓齊記補引黃石公記云東海龍女隱此石室尙存將還作此水甚有神焉化降則水生政薄津竭張緣生述征記亦主是說

河書傳云出萊蕪原山之陰其水初名大河東

流至長莊入博山界折而北逕博山莊郭莊原泉莊至太河莊又北入益都界始名淄河又東北逕擡頭莊入臨淄界東北逕淄河店牛山北天齊淵至臨淄城東又東北逕古安平城至帥王莊入樂安界又東北逕豐臺口折而東逕朱家道口至大馬頭木橋又東逕壽光界夾上村右會清水泊左會小清河至馬車瀆入海按淄河西遶縣界止數里耳款漫於菰蒲水草之間全無河道故卷首河圖不復繪入攷之古人之說杜預謂淄入汝班固謂淄入濟桑欽謂淄入海今當以桑說爲是

清水泊一名巨淀在縣西北五十里漢志曰東海引鉅定又曰濁水入鉅定又曰馬車瀆首受鉅定東北至琅槐入海並謂此地也其西北爲漢鉅定縣卽今樂安之東境故西濟亦入樂安然邑境實居其什八但由馬車瀆入海則樂安境耳前明時係衛王牧馬廠其中葭菼魚蟹之屬不畊耘而自植不蓄養而自繁計其所獲爲利本饒曩時有力者據之誠如前志所言近數十年來泊間居民相率持斤挾畧以往佃主不得過而問之矣是蓋主客之勢不同故興廢之形頓異也

黑塚海泉東北五十里秦皇望海臺下齊人謂海爲
汎故述征記謂之烏常汎洄廢已久今其地名黑塚
莊民地肥饒鷄犬相聞省志云爲官臺鹽場詠也

溫泉出西門南建城北而東由張僧曠入北窪每歲
十一月遠方商賈來集泉間名曰溫泉會土人相傳
此水甚有靈異每遇亢旱祈禱輒應堪輿家又云係
一邑文星之地利疏通不利淤澁乾隆十八年初夏
時雨偶愆知縣王椿虔肅祈禱甘霖大沛收穫倍豐
復募夫疏濬是年發科三人明年李封選庶常焉

海在縣東北一百四十餘里瀉土無毛一望皆墳塚

續壽光縣志

卷之三

七

河泊考

之野海口有三一曰魚埠海口一曰小清河口一曰
李洋河口設魚兵守之然亦捕魚之口非戍守要地
也前志云越四五十里外方有村墟廬舍今則海日
北徙沙衍愈寬沿海民居若丁家莊任家莊七里莊
無樑店陳家白莊去海幾及百里矣滄海桑田此亦
一證也

論曰壽邑北濱朝夕之池土稱淳鹵氣演而質踈惟
北陽勢踞上游結脈深厚故隄偃堅實歷久不傾耳
餘皆一經霖雨沙土隨灑瓮溢至易言乎水利西則
陽水夾河尚可藉以溉禾稼每遇夏旱時田疇龜坼

農人間或引注焉東則堯丹合流年來下游落淤辛
章佛屋芟草叢生有天然之利近復開墾稻田磽土
漸爲沃壤矣若巨洋沖融沉澆猶黃河之泛漲無常
爲之稱畚築程土物修圩岸猶思不固况敢決之使
道耶因時制宜宣洩有備以期安奠此蒸黎是所賴
於守此土者

